

# A balé tla Spania

La grupa de bal populer de Sëlva y S. Cristina ie stata tla Spania, a Calella



## I balarins a Calella.

Lies - Bele dut l instà se ncunfertova i cumëmbri dla grupa per pudëi fé l viac a Calella tla Spania, ulache n à nce fat pea pra na defileda y ulache on nce balà pra na gran festa. L instà ie stat drët ntensif y ie a chëla maniera passà inò aslune. L viac vën urganisà dala grupa coche bele da ani incà ala fin dla sajon da d'instà per premië duc, ma dantaldut nce per renfurzé l tenì adum y la colegialità danter duc. Piei via sons tla nuet danter l

vënerdi ai 24 y la sada ai 25 de setëmber. Son julei da Bergamo nchin a Girona y inant cun la curiera nchin tla pitla zitadina de Calella. La sada sëira, do puecia ëura che n ova ciautinà l fonz spaniol, fòvel bele da fé pea pra la gran defileda y pona pra la giaurida dl Oktoberfest de Calella ulache l ambolt dla pitla blòta zitadina sun l mer a batù la spina tl barijel per l "O'zopft is". La dumënia sons duc deberieda jic cun la berca de viers

de Loret de Mar, per n bel di deberieda. N lunesc sons furnei cun la ferata de viers de Barcelona ulache on vijità la Sagrada Familia y truepa d'otra belëzes architetoniches y artistiches. Sambën fova l'armonica for pea, ajache la bona mujiga ne pudova nia mancë. L ultimo di dan pië de reviers a cësa se à la grupa danmesdì ciarià la bataries sun la spiaggia per balé pona tla tenda dla gran festa dan na bela cumpëida de jënt y de jëuni da dlonch caprò. Per le cort ti iel unì sëurandat ai urganisadëures n cheder dla grupa cun nosta bela montes dovia.

L ie stat na bela esperienza a cunëscer grupes de folclor y guanc tradiziunei da duta l'Europa y se capì nce zënza savëi la rujenedes. Nce sce l tëmper a dassënn judà pea y l dajova for surëdl tumovel unitant dal ciel vel' tòch de dlacia, dantaldut do l spinel dla mutans ju...

I plu bieci mumënc dl viac y n valguna fotografies da rì ie da udëi sun la plata internet dla grupa [www.volkstanzgruppe.org](http://www.volkstanzgruppe.org). De utober, for de vënerdi dala 20.30 tl local tla cësa de cultura de Sëlva, tenirà la grupa sëires de walzer, polka y boarischer per jëuni. I cumëmbri se ncunforta bele sun vo duc che unirëis adalerch a balé cun nëus.



La grupa da bal de Sëlva y S. Cristina.

Per la Grupa da Bal,  
Andreas Delago